

BOSNA I HERCEGOVINA
FEDERACIJA BOSNE I HERCEGOVINE
Bosansko-podrinjski kanton Goražde
J.U. CENTAR ZA SOCIJALNI RAD BOSANSKO-PODRINJSKOG KANTONA GORAŽDE
G O R A Ž D E
UPRAVNI ODBOR

Na osnovu člana 14. stav 1. Zakona o osnivanju J.U. „Kantonalni centar za socijalni rad“ Goražde („Službene novine BPK-a, Goražde“, broj: 5/2000), člana 30. Pravila JU. Centar za socijalni rad BPK-a Goražde („Službene novine BPK-a, Goražde“, broj: 13/2015 i 14/16) i Odluke Upravnog odbora J.U. Centar za socijalni rad BPK-a, Goražde broj: 05-05-985-2/17 od 25.10.2017 godine, Upravni odbor J.U. Centar za socijalni rad Bosansko-podrinjskog kantona Goražde raspisuje:

J A V N I K O N K U R S
za izbor i imenovanje direktora
JU Centar za socijalni rad BPK-a Goražde

I

Objavljuje se konkurs za izbor i imenovanje direktora JU Centar za socijalni rad Bosansko-podrinjskog kantona Goražde na period od 4 (četiri) godine.

II

Kandidati treba da ispunjavaju slijedeće uvjete:

Opći uvjeti:

- da su stariji od 18 godina,
- da su državljani BiH,
- da su zdravstveno sposobni za obavljanje pozicije za koju se kandiduju
- da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od 3 godine prije objavljivanja upražnjene pozicije (dokaz: ovjerena izjava)
- da se na njih ne odnosi član IX.1. Ustava Bosne i Hercegovine (dokaz: ovjerena izjava)

Posebni uvjeti:

- da imaju visoku stručnu spremu, fakultet političkih nauka – odsjek socijalnog rada ili pravni fakultet ili ekonomski fakultet ili filozofski fakultet odsjek za psihologiju ili odsjek za pedagogiju, odnosno stečeno visoko obrazovanje prvog (najmanje 240 ECTS bodova), drugog ili trećeg ciklusa bolonjskog sistema studiranja
- najmanje 3 godine radnog iskustva u struci,
- položen stručni (upravni) ispit,
- da nisu osuđivani za krivično djelo koje je nespojivo sa obavljanjem dužnosti direktora,
- da nisu osuđivani za privredni prijestup/prekršaj

III

Uz prijavu na konkurs kandidati su dužni priložiti original ili ovjerene kopije slijedećih dokumenata:

- kraću biografiju, adresu i kontakt telefon,
- izvod iz matične knjige rođenih,
- uvjerenje o državljanstvu, ne starije od 6 (šest) mjeseci,
- diplomu o završenom obrazovanju visoke stručne spreme,
- potvrdu o radnom iskustvu,

- uvjerenje o nevođenju krivičnog postupka, ne starije od 3 (tri) mjeseca, (Općinski i Kantonalni sud),
- potvrda ili uvjerenje poslodavca- državnog organa ili institucije da kandidat u posljednje tri godine od dana objavljivanja javnog konkursa nije otpušten iz organa državne službe kao rezultat disciplinske mjere na bilo kojem nivou vlasti bilo na nivou države ili entiteta (za kandidate koji su bili uposleni u organima državne službe) ili pismena izjava ovjerena u općini ili sudu (za kandidate koji nisu zasnivali radni odnos u organima državne službe)
- uvjerenje o položenom stručnom (upravnom) ispitu,
- program rada ustanove za mandatni period.

Kandidatima koji ne budu izabrani dokumentacija se neće vraćati, osim na lični zahtjev kandidata.

IV

Prijave sa potrebnom dokumentacijom dostavljaju se lično ili preporučeno poštom na adresu:

JU CENTAR ZA SOCIJALNI RAD BPK-a GORAŽDE

Ul. Maršala Tita br. 13

73 000 Goražde

Sa oznakom:

„Prijava na konkurs za izbor i imenovanje direktora J.U. Centar za socijalni rad BPK-a Goražde, NE OTVARAJ“

Nepotpune, neuredne i neblagovremene prijave neće se uzimati u razmatranje.
Sa kandidatima koji ispunjavaju propisane uslove konkursa obaviti će se intervju.

Konkurs ostaje otvoren 15 dana od dana objavljivanja.

**PREDSJEDNIK UPRAVNOG
ODBORA**

Nedim Tiro